

quóniam venit iudicáre terram.

Judicábit orbem terræ in æquitáte, * et pópulos in veritáte sua.

Aña. Nigra sum, sed formósa, filia Jerúsalem : ideo diléxit me Rex, et introduxit me in cubiculum suum.

Aña. Trahe me post te, * in odórem currémus unguentórum tuórum : óleum effúsum nomen tuum.

Psalmus rcbj.

Dominus regnávít, exsúltet terra : * lætén- tur insulæ multæ.

Nubes, et caligo in circúitu ejus : * justítia, et iudícium corrèctio sedis ejus.

Ignis ante ipsum præcédet, * et inflammábit in circúitu inimicos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cœli justítiam ejus : * et vidérunt omnes pópuli glóriam ejus.

Confundántur omnes, qui adórant sculptília : et qui gloriántur in simulácris suis.

Adoráte eum omnes Angeli ejus : * audívit, et lætáta est Sion.

Et exsultavérunt filia Judæ, * propter iudícia tua Dómine :

Quóniam tu Dóminus altíssimus super omnem terram : * nimis exaltátus es super omnes deos.

Qui diligitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini iusti in Dómino : * et confitémini memóriæ sanctificatiónis ejus.

Aña. Trahe me post te, in odórem currémus unguentórum tuórum : óleum effúsum nomen tuum.

Aña. Veni sponsa Christi, * áccipe corónam, quam tibi Dóminus præparávit in ætérnum.

Psalmus rcbj.

Cantáte Dómino cánticum novum : * quia mirabilia fecit.

Salvávít sibi dextera ejus : * et bráchium sanctum ejus.

Notum fecit Dóminus salutáre suum : * in con-

spéctu Géntium revelávit justítiam suam.

Recordátus est misericórdiæ suæ, * et veritátis suæ dómui Israel.

Vidérunt omnes términi terræ * salutáre Dei nostri.

Jubiláte Deo omnis terra : * cantáte, et exsultáte, et psállite.

Psállite Dómino in cíthara, in cíthara et voce psalmi : * in tubis ductílibus, et voce tubæ córneæ.

Jubiláte in conspéctu Regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina plaudent manu, simul montes exsultábunt a conspéctu Dómini : * quóniam venit iudicáre terram.

Judicábit orbem terrárum in justítia, * et pópulos in æquitáte.

Aña. Veni sponsa Christi, áccipe corónam, quam tibi Dóminus præparávit in ætérnum.

V. Elégít eam Deus, et præelégít eam. **R.** In tabernáculo suo habitáre facit eam.

Pater noster. **Absolutio.** A vínculis. **V.** Jube domne. **Bened.** Evangélica léctio.

Léctio sancti Evangélii secúndum Matthæum.

Lectio vij. Cap. xij. f

IN illo témpore : Dixit Jesus discipulis suis parábolam hanc : Símile est regnum cœlórum thesáuro abscondito in agro. Et réliqua.

Homília S. Gregórii Papæ.

Homil. xj. in Evangelia.

Cœlórum regnum, fratres caríssimi, idcirco terrénis rebus símile dicitur, ut ex his quæ ánimus novit, surgat ad incógnota quæ non novit : quátenus exémplo visibílium se ad invisibília rápiat, et per ea, quæ usu didicit, quasi confricátus incaléscat : ut per hoc, quod scit notum dilígere, discat et incógnota amáre. Ecce enim cœlórum regnum thesáuro abscondito in agro comparátur : quem qui ínvenit homo abscondit, et præ gáudio illius vadit, et vendit univérso, quæ habet, et emit agrum illum.

R. Os suum apéruit sapientiæ, et lex cleméntiæ in lingua ejus : considerávit sémítas domus suæ, * Et panem otíosa non comédit. **V.** Gustávit et vidit quia bona est nego-

tiatio ejus : non exstinguetur in nocte lucerna ejus. — Et panem.

Bened. Cujus vel Quorum festum colimus.

Lectio viij.

QUA in re hoc quoque notandum est, quod inventus thesaurus absconditur, ut servetur : quia studium celestis desiderii a malignis spiritibus custodire non sufficit, qui hoc ab humanis laudibus non abscondit. In presentia etenim vita, quasi in via sumus, quae ad patriam pergitur. Maligni autem spiritus iter nostrum quasi quidam latrunculi obsident. Depraedari ergo desiderat, qui thesaurum publice portat in via. Hoc autem dico, non ut proximi opera nostra bona non videant, cum scriptum sit : Videant opera vestra bona, et glorificent Patrem vestrum, qui in caelis est : sed ut per hoc, quod agimus, laudes exterius non queramus. Sic autem sit opus in publico, quatenus intentio maneat in occulto : ut et de bono opere proximis praebeamus exemplum, et tamen per intentionem, qua Deo soli

placere quaerimus, semper optemus secretum.

R. Regnum mundi, et omnem ornatum saeculi contempsi propter amorem Domini mei Jesu Christi :
* Quem vidi, quem amavi, in quem credidi, quem dilexi. **V.** Eructavit cor meum verbum bonum : dico ego opera mea Regi. — Quem. **Gloria.** Quem.

Bened. Ad societatem.

Lectio ix.

Thesaurus autem celeste est desiderium : ager vero, in quo thesaurus absconditur, disciplina studii celestis. Quem profecto agrum venditis omnibus comparat, qui voluptatibus carnis renuntians, cuncta sua terrena desideria per disciplinae celestis custodiam calcat : ut nihil jam, quod caro blanditur, libeat ; nihil quod carnalem vitam truncat, spiritus perhorrescat. **Te Deum.** 19.

AD LAUDES,

et per Horas, Añae.

i. Dum esset Rex * in accubitu suo, nardus mea dedit odorem suavitatis.

Ps. Dominus regnavit cum reliquis. 20.

2. In odorem * unguentorum tuorum currimus, adolescentulae dilexerunt te nimis.

3. Jam hiems transiit, * imber abiit, et recessit : surge amica mea, et veni.

4. Veni electa mea, * et ponam in te thronum meum, alleluia.

5. Ista est speciosa * inter filias Jerusalem.

Pro Martyre tantum.

Capitulum. **Eccli. ij.**

Confitebor tibi Domine Rex, et collaudabo te Deum Salvatorem meum. Confitebor nomini tuo : quoniam adjutor et protector factus es mihi, et liberasti corpus meum a perditione.

Pro nec Virg. nec Mart.
Capitulum. **Prov. xxxj. b**

Mulierem fortem quis inveniet? procul, et de ultimis finibus pretium ejus. Confidit in ea cor viri sui, et spoliis non indiget.

Hymnus.

Fortem virili pectore
Laudemus omnes feminam,

Quae sanctitatis gloria

Ubique fulget inclyta.

Haec sancto amore saucia,
Dum mundi amorem noxium

Horréscit, ad caelestia
Iter perégit arduum.

Carnem domans jejuniis,
Dulcique mentem pabulo
Orationis nutriens,
Coeli potitur gaudiis.

Rex Christe virtus fortium,
Qui magna solus efficis,
Hujus precatu, quaesumus,
Audi benignus supplices.

Deo Patri sit gloria,
Ejusque soli Filio,
Cum Spiritu Paraclito,
Nunc, et per omne saeculum. Amen.

V. Diffusa est gratia in labiis tuis. **R.** Propterea benedixit te Deus in aeternum.

Ad Benedictus, Añae.
Date ei * de fructu manuum suarum, et laudent eam in portis opera ejus.

Pro una Martyre tantum.
Oratio.

Deus, qui inter cetera potentiae tuae miracula etiam in sexu fragili victoriam martyrii contulisti : concede propitius, ut qui beatae **N.** Martyris tuae natalitia colimus, per ejus ad te exempla gradiamur. Per Dominum nostrum Jesum Christum.

Pro plur. Mart. tantum.

Oratio.

DA nobis, quæsumus
Dómine Deus noster,
sanctárum Mártýrum tuá-
rum **N.** et **N.** palmas in-
cessábili devotióne vene-
rári: ut quas digna men-
te non pòssumus celebrá-
re, humílibus saltem fre-
quentémus obséquiiis. Per
Dóminum.

Pro nec Virgine nec Mart.

Oratio.

EXáudi nos Deus salu-
táris noster: ut sicut
de beátæ **N.** festivitáte
gaudémus, ita piæ devo-
tiónis erudiámur afféctu.
Per Dóminum.

AD TERTIAM.

Añã. In odórem.

Pro Martyre tantum, Ca-
pitulum. Confitébor. ut
supra. [157]

Pro nec Virgine nec Mart.
Capit. Mulierem. [157]

R. br. Spécie tua, * Et
pulchritúdine tua. Spécie.
V. Inténde prospere pro-
cède, et regna. Et pul-
chritúdine. Glória Patri.
Spécie tua.

V. Adjuvábít eam Deus
vultu suo. **R.** Deus in mé-
dio ejus, non commové-
bitur.

AD SEXTAM.

Añã. Jam hiems tránsiit.

Pro Martyre tantum.

Capitulum. Eccli. lj.

LIberásti me secúndum
multitúdinem mise-
ricórdiæ nóminis tui a ru-
giéntibus, præparátis ad
escam, de mánibus quæ-
réntium ánimam meam,
et de multis tribulatióni-
bus quæ circumdedérunt
me.

Pro nec Virgine nec Mart.

Capitulum. Prov. xxxj. c

MAnum suam apéruit
inopi, et palmas
suas exténdit ad páupe-
rem. Non timébit dómui
suæ a frigóribus nivis.

R. br. Adjuvábít eam,
* Deus vultu suo. Adjuváb-
bit. **V.** Deus in médio ejus,
non commovébitur. Deus
vultu. Glória Patri. Adju-
vábít.

V. Elégit eam Deus, et
præelégit eam. **R.** In ta-
bernáculo suo habitáre fa-
cit eam.

AD NONAM.

Añã. Ista est speciósa.

Pro Martyre tantum.

Capitulum. Eccli. lj.

LAudábít usque ad
mortem ánima mea
Dóminum, quóniam éruis

sustinétes te, et líberas
eos de manu angústia,
Dómine Deus noster.

Pro nec Virgine nec Mart.

Capitulum. Prov. xxxj. d

MUltæ filia congrega-
vérunt divítias: tu
supergréssa es univérsas.
Fallax grátia, et vana est
pulchritúdo: mulier ti-
mens Dóminum, ipsa lau-
dábítur.

R. br. Elégit eam Deus,
* Et præelégit eam. Elégit.
V. In tabernáculo suo
habitáre facit eam. Et
præelégit. Glória Patri.
Elégit.

V. Diffúsa est grátia in
lábiis tuis. **R.** Proptérea
benedíxit te Deus in ætér-
num.

IN II. VESPERIS.

Añã, Capit. et Hymnus
de Laud. [156] Psalmi ut
supra pro Virginibus. [122]

V. Diffúsa est grátia in
lábiis tuis. **R.** Proptérea
benedíxit te Deus in ætér-
num.

Ad Magnif. Añã. Manum
suam * apéruit inopi, et
palmas suas exténdit ad
páuperem, et panem otío-
sa non comédit

Si fuerint plures non Vir-
gines, idem fit Officium ut
supra.

II. LECTIONES

PRO MARTYRE TANTUM.

In II. Nocturno.

Sermo sancti Joánnis
Chrysóstomi.

Serm. lxxvij. de diversis
novi Testamenti locis.

Lectio iii.

SGO máxime com-
memoratiónes dí-
ligo Mártýrum, dí-
ligo, et ampléctor; atque
omnes quidem, sed tum
præcipue, cum mulierum
certámina proponúntur.
Quanto enim infirmius est
vas, tanto major est grá-
tia, tanto illústrius est tro-
phæum, tanto insignior
est victória, non ob imbe-
cillitátem sexus athletá-
rum, sed quod per ea,
quibus vícerat inimicus,
nunc étiam vincátur.

R. Propter veritátem, et
mansuetúdinem, et justí-
tiam: * Et dedúcet te mira-
bíliter dextera tua. **V.** Spé-
cie tua et pulchritúdine
tua, inténde, prospere pro-
cède, et regna. — Et de-
dúcet.

Lectio v.

PER mulierem vicit,
per mulierem supe-
rátus est. Hoc illius ántea
telum erat; hoc illius nunc

cædis factum est instrumentum, hoc vas apparuit insuperabile. Peccavit illa prior, et mortua est: ista mortua est, ne peccaret. Illa tum futilis promissis inflata, Dei leges violavit; hæc vitam præsentem contempsit, ne fidem in suum benefactorem ejuraret. Quam igitur deinceps sperare poterunt excusationem viri, si molles sint, et ignavi; quam vero veniam, cum fortiter, ac viriliter se gerant mulieres, cum a deo se generose ad certamina pietatis accingant?

R. Dilexisti justitiam, et odisti iniquitatem: * Propterea unxit te Deus, Deus tuus oleo lætitiæ. **V.** Propter veritatem, et mansuetudinem, et justitiam. — Propterea.

**Lectio vij.**

Fuit illi corpus imbecillum, et obnoxius sexus injuriæ; verumtamen omnium horum imbecillitatem adveniens gratia occultavit. Nihil enim est eo, qui magno cum studio Dei timorem habeat in mente defixum, sed quamvis ignes, quamvis ferrum, quamvis bestias, quamvis aliud quidvis minentur hostes, omnia nullo negotio contemnit; quod utique Beata ista etiam fecit.

R. Fallax gratia, et vana est pulchritudo: * Mulier timens Deum, ipsa laudabitur. **V.** Date ei de fructu manuum suarum, et laudent eam in portis operæ ejus. — Mulier. Gloria Patri. Mulier.

**Commune Dedicationis Ecclesiae.**

IN I. VESPERIS.

Antiphonæ.

Omum tuam Domine * decet sanctitudo, in longitudinem dierum.

Psalmi ut in j. Vesperis de Communi Apostol. [2] et loco ultimi, Ps. Lauda Jerusalem. ut infra.

2. Domus mea, * domus orationis vocabitur.

3. Hæc est domus Domini * firmiter ædificata, bene fundata est supra firmam petram.

4. Bene fundata est * domus Domini supra firmam petram.

5. Lapidis pretiosi * omnes muri tui, et turre Jerusalem gemmis ædificantur.

Psalmus cxlvij.

Lauda Jerusalem Dominum: * lauda Deum tuum Sion.

Quoniam confortavit seras portarum tuarum: * benedixit filiis tuis in te.

Qui posuit fines tuos pacem: * et adipe frumenti satiavit te.

Qui emittit eloquium suum terræ: * velociter currit sermo ejus.

Qui dat nivem sicut lanam: * nebulam sicut cinerem spargit,

Mittit crystallum suam sicut buccellas: * ante faciem frigoris ejus quis sustinebit?

Emittet verbum suum, et liquefaciet ea: * flabit spiritus ejus, et fluent aquæ.

Qui annuntiat verbum